

Migrašuvdna mearkkaša ahte lea fárren riikarájaid rastá. Immigránta lea son gii fárre riikii, ja emmigránta lea son gii fárre riikkas eret.

### Eaktodáhtolaš migrašuvdna

Eatnasat fárrejit barggu geažil, dávjá dainna doaivagiin ahte lea buoret dilli riikkas gosa vulget. Migrašuvdna stivrejit vuolginfaktorat (push) ja geasuhanfaktorat (pull). Vuolginfaktorat leat dilálašvuodát mat dagahit ahte olmmoš fárre dihto **báikkis**. Geasuhanfaktoratges leat dilálašvuodát mat dagahit ahte olmmoš fárre dihto

#### **báikái**

. Dát migrašuvnnat sáhttet leat bistevaččat, dahje muhtin áigái. Guossebargit leat immigránttat geat muhtin áigge barget riikkas. Dát lea dehálaš ekonomalaš strategiiija sádden dihte ruđa ruovtturiikii. Guossebargit máhcet fas ruoktut go leat dinen.

Báhtareapmi álbmoga migrašuvnnat eai leat álohii eaktodáhtolaččat. [Báhtareaddjit](#) leat sii geat guđdet ruovtturiikka go ballet oaguhuvvomis čearddalašvuoda, religiovnna, našunalitehta, sosiála joavkku gullelašvuoda dahje politihkalaš oainnuid geažil. Eatnasat sis báhtarit sisriikka sođiid geažil, dahje siskkáldas riidduid geažil.

Máilmmis leat olu olbmot báhtareaddjit. Árvvoštallojuvvo ahte jagis 2010 ledje 43,7 miljovna olbmo báhtareaddjit ( <http://www.flyktninghjelpen.no/> ).

### **Bargobihtát:**

1. Čilge vuolgin- ja geasuhanfaktoriid manin geafes riikkaid olbmot vulget rikkis riikkaide.
2. Čilge ovdamearkkaid bokte manin olbmot šaddet báhtarit.
3. Gávnnat guđe riikkain máilmmis leat leamaš olu báhtareamit maŋemus viđa jagis.